

## LA NOTTI DI NATALI

### **Oh chi nuttata di friddu e di jelu**

di nivi sunnu carichi li munti,  
lu Bammineddu s'aspetta di jelu

### **e si fa festa da tutti li punti.**

Parati su' la grutta e l'artareddi  
E 'lluminati di lucenti stiddi,  
sunati friscaletti e ciarameddi  
cantanu tutti granni e picciriddi!

*...Oh Diu Mannicci n'ancilu supra l'artareddu,  
quantu iddu l'allumina lu fa 'ancora chiù beddu;  
e li pastura arrivanu cu lu so' picureddu,  
tuttu lu munnu è gloria! Nasciu lu Bammineddu!*

Lu zuccu di Natali sta' addumatu  
'ppi l'alligria di Gesù Bamminu,  
prianu tutti cu' cori e cu' ciatu  
quantu ni scanza lu malu distinu!  
Mitemuni cumpiti a ginucchiuni  
è natu oramulu Bamminu amatu,  
cantemincilli li megghiu canzuni  
'na sta' artareddu tuttu apparigghiatu!

*..Oh Diu.....*

Chi gioia 'nta lu cori ca si senti  
Ca 'nta la grutta ci sta' lu Missia,  
tutti li pasturedi su' cuntenti  
cuntenti è San Giuseppi cu' Maria!  
Chi bedda la nuttata di Natali  
pari ca 'nterra c'è lu paradisu;  
che bedda la jurnata e quantu vali  
ogni artareddu c'è un Bamminu misu!

*Oh Diu.....*